

健餘先生撫豫條教四卷

〔清〕尹會一撰 張受長輯

畿輔叢書本

官箴書集成 健餘先生撫豫條教

健餘先生撫豫條教卷一

畿輔叢書初編

受業門人張受長輯

告誠寮屬

國家設官分職以勳治理務在大法小廉殫盡誠而熙庶
績本都院德涼才薄忝任封疆吏治民生仔肩至鉅一省
之官箴卽本都院之官箴一省之休戚卽本都院之休戚
用是夙夜惴惴履薄臨深下車伊始各官之賢否雖未盡
悉兩河之吏治略見一斑大率文飾居多廢弛不免蕩檢
踰閑者亦有其人本應劾奏以肅官方惟是綜核示威本
都院有所不忍念自服官以來凡遇僚友一秉愚誠共相

撫豫條教卷一 告誠寮屬

勸勉能改過者爲君子受盡言者爲善人惟期一路相安
不欲一家有哭今特開誠告誡與諸君子力圖更新郡守
牧令古所稱民之師帥也與民最親膏澤及民亦最易願
以存心愛物一言時時內省以勤謹和緩四字拳拳服膺
一粟一絲常切脂膏之念一舉一動不忘撫字之勞慎毋
闒茸貽羞美詬亡節以及重篋不飾致挂彈章庶幾愜我
素心不爲鷹鷂之逐眷懷循吏長與鸞鳳同羣矣若夫方
伯外臺表率全省守巡監司分轄數郡或承流宣化或秉
憲持綱微特楷模羣吏更爲本都院之所藉以匡不逮者
正直是與共抒報

國之誠尤有厚望焉

咨詢民隱

敷政在於安民安民在於周知民隱設誠而致行之此非使者一人聞見所能及也惟願良有司同心求可共成治理中州當嚴厲之餘刑名操切棄敬多端本都院不揣迂疎思以道德更化亟圖宣布

皇仁培養元氣而體察民生疾苦最為先務兩河幅隕遠關統轄十府三州一百有九州縣自難徧歷其境牧令各子其民實親理之郡守各率所屬實目擊之異方殊俗善厥情形何者宜革何者宜興何者宜先何者宜後諒已籌之熟矣其各據實條列毋隱毋飾夫恥於下問者長吏之陋也問而不言者有司之過也本都院盡布腹心求實政於斯觀循吏於斯若視為具文則大非咨詢之意矣

撫豫條教卷一 告諭民隱

二

撫豫條教卷一 咨詢民隱

三

士民約法六條

移風易俗必先化導之方彰善癉惡首重勸懲之道蓋百姓雖有醇頑而天良悉秉彝好本都院念切安民心殷敷教略舉大端為我士民約法如左

一端士習以重民望學校為觀摩之地紳士乃教化所先惟閉戶潛修立品敦行庶可表率四民儀型鄉里倘或把持官府欺壓鄉愚蕩檢閑干犯法紀豈不貽羞門第有玷官牘王章具在各宜愛鼎

一嚴訟師以遏刁告豫省界聯吳楚地多訟棍往往哄誘愚民講張為幻或小事而駕成大獄或睚眦而妄指奇

撫豫條教卷一 士民約法六條

四

冤及至審虛反坐而彼則脫然事外是以訟師例禁甚嚴爾等百姓切勿墜其術中捏詞誣控自罹罪戾為訟師者亟宜改弦易轍各務本業倘仍怙惡不悛嚴究勿貸

一懲惡棍以靖地方中州五方雜處醇頑不一歷有惡棍出入衙門武斷鄉曲顛倒是非閭閻受其荼毒良善何由安枕本都院疾惡如讎除惡如莠現在密訪查拏各宜悔過自新勿致墮騰無及

一禁關殿以肅令甲中州民風秉性強悍微嫌細故動輒格鬪其始不過逞一時之忿及至身羈縲梟罪擬抵償

上危父母下累妻子追悔已晚戒爾小民當平情忍氣因事三思各保身家共敦禮讓倘有好勇鬪狠生事不法者地方官嚴拏究處

一儆游惰以勤職業農工商賈何事不可營生有游蕩無賴之徒不耕不稼三五成羣忽聚忽散豈知一日失業則一身之衣食何來一人好閒則一家之俯仰何恃所以王政首禁游民為牧令者所當稽察懲戒俾令各勤生理

一戒輕生以全民命本都院擔任以來披閱各屬申報自盡之案殆無虛日或事起於細微或釁由於骨肉抹頸

撫豫條教卷一 士民約法六條

五

懸梁俄頃畢命不知此等命案照例驗埋並無抵法愚夫愚婦徒自捐軀殊堪憫惻試念死者何心生不可再亟宜猛省切勿憤激輕生

以上六條均為人心風俗所係其各悉心敬聽講讓真仁共為平世之良民勿蹈有司之法網庶無負本都院殷殷告誡之誠也

整理營伍四事

國家設兵衛民文武並重參遊而下千把而上均有管轄兵目經理營伍之責本都院提督軍務整頓維新所有應行事宜略具四端於左

一重糧餉兵丁養家餬口全憑糧餉扣剋一分卽有缺乏之虞遲散一日卽多借貸之苦必須隨領隨給不得短少絲毫不許稽延時日違者叅究

一簡軍實向來將弁多佔空糧按籍則名存核實則數缺最爲大弊有則立即募補毋致空缺虛懸至於馬匹務期膘壯旗幟務期鮮明查甲務期堅固器械務期銳利

撫豫條教卷一 整理營伍四事

六

鑼鑼帳房等項亦須勤加收拾毋致溼爛鼠傷本都院不時委查慎勿泛視

一勤操演蒐苗獮閔王政所重是兵可百年不用武不可一日不講如弓箭鳥槍簾牌扁刀長槍連環子母礮等類該將督率教導務期純熟其技藝生疎不肯學習者革退該管官誤操廢弛營務卽行揭叅

一嚴約束兵丁秉性悍強最難安分窩賭窩娼習爲固然好飲好鬪無所不至或把持市集強買什物或收放馬匹踐食田禾或借盤詰巡查之名因而需索或乘護餉解犯之便到處誅求甚至微嫌細故動輒結黨成羣藐

視官長種種惡習難以枚舉必須嚴加約束留心稽察有犯必懲庶守分知方乃爲真勇毋得姑息養癰自貽伊咎

以上四事均關要務中軍有統領之責轉行左右兩營一體遵依以收實效本都院文事率修甯忘武備以時考驗優劣自見其各勉旃

撫豫條教卷一 整理營伍四事

七

飭戒貪婪

居官首重維清察吏莫嚴於守故爵位雖有崇卑究以不
貪爲寶才具雖有長短要必無慾則剛是操守實立身之
根基而持廉乃計吏之先務家本富也素封之室仕非爲
貧固當慎取與於一介家本貧也淡泊之風安之若素尤
當懷暮夜於四知今有養廉又存公費地方無捐賠之項
上司無需索之煩廉吏可爲正在斯時胡不自愛利令智
昏干犯科條身家莫保雖以本都院之居心寬厚不矜明
察而見聞既真亦難開一面之網可勝慨歎現將僱師耶
令貪劣款蹟特疏剴奏用肅官方仰司道府卽飭所屬一
撫豫條教卷一 飭戒貪婪

撫豫條教卷一 飭戒貪婪

九

體懷遊務期各敦清操共勵廉隅常矢茹蕪之心時切焚
身之戒勿聽家人衙役之徭憊竟爾垂涎勿因饋遺贈送
之常規肆行染指至於知府直隸州與州縣最親必須身
先表率而後弊絕風清杜絕苞苴而後上行下效正己正
人尤爲要務各宜警醒交相砥礪刻刻以耶令爲前車之
鑒而不致有白簡之登此則本都院諄諄布告之心也

飭戒濫刑

惟良折獄載在尙書以聲聽訟詳於周禮古昔聖賢於兩
造具備之時猶必考察容貌簡核實情然後麗以法而議
其罪未聞遽加以刑者誠重之也凡問刑衙門白廳虛衷
研訊惟明惟允庶幾獄成而孚乃若以刻深爲明察以嚴
厲爲才能任意殘虐罔恤民命或未經鞫問敲扑頻加或
業已招承推求不止哀號疾痛之狀宛轉階前具有耳目
甯無見聞仁人君子奚忍出此至於據供定罪援律成招
出入之間生死攸關更宜詳慎該州縣審理事件必須平
心靜氣悉秉虛公度理揆情務歸平允勿橫加捶楚勿專
撫豫條教卷一 飭戒濫刑

撫豫條教卷一 飭戒濫刑

九

事深文則刑罰得中和氣致祥如任性濫刑草菅人命察
出嚴參不貸若道府爲方面大員該臬司係刑名總匯慎
恤之念諒有同情無俟本都院之諄囑也

飭速結案

本都院披閱各屬案件命盜等事例限綦嚴尙知黽勉辦理至於外結事件一詳之後累月不覆則州縣自理詞訟更可知矣不知事犯到官原被証佐必有數人各有生理訟事一日不結卽一日不能脫身差役借此索詐書吏從中舞弊土棍構釁生波莫不山延擱而起故訟未結而家已破者有之可爲寒心至豫省自盡人命婦女居多果驗無傷痕當場卽應責令領埋完結近見各屬竟有一番再審以至牽連如煙涉及姑嫜拘至當堂質問殊乖治體豈必有意害民而其病在於不勤其原實由於不敬誠能虛心以求之實心以行之天下無不可了之事也試思朝廷設官原以爲民身爲父母豈可偷惰自安使小民無限苦情置若罔聞且一日有一日之事日積則日多何如完得一件卽少一件案牘無叢委之虞百姓免拖累之苦公私兩便而必以曠官自廢抑獨何心故令其慎之哉至府州以上凡有承審之責者均以身先爲勸令勸此又本都院之所殷殷屬望者也

撫豫條教卷一

飭速結案

十

飭記功過

督撫之於屬員尙有記功記過之條率皆視爲紙上空談無關考核非獨上司習焉不察卽下屬亦過而輒忘功多者不足以勸過大者無以爲懲殊非策勵人才整飭吏治之道仰司卽飭所屬自本都院到任之後起各州縣凡有記功記過者俱申明該管府州彙造一冊註明爲某事記功某事記過呈送本都院查考嗣後按月登記於月底申送如有功一次者准其抵過一次倘積至大過五次卽行糾參積至大功五次定行獎薦並飭各屬於詳驗文裏內官銜之下俱註明功過若干次如此則本都院既得不時

撫豫條教卷一

飭記功過

十一

勸課農桑

勸課農桑四事經本都院奏明通飭遵照該州縣亟宜力
行料理即如老農為勸導之人曾否選擇是何姓名農時
為耕種所先曾否將所定節候徧行曉諭至於量力授田
以盡地利曾否實力勸諭多備機杼以勤女工曾否設法
製造其最易辦理而刻不容緩者又莫如種樹一事大路
兩旁應補楊柳村尾溝頭籬邊屋角並鹹鹼飛沙之地不
拘桑柘棗梨椿杜榆柳等樹當此春氣方動農務未興必
須及時栽植過此以往恐難成活亦恐不暇勢將延至來
年坐廢時日應遵照本都院原奏責成鄉耆保長廣為勸

撫豫條教卷一 勸課農桑

三

導各就所宜之木隨地種植加意培養其鄉耆保長照種
成數目遞加獎勵至地方官有能令民種成桑樹五千株
棗梨等樹一萬株者核實冊報即記功一次多者照數遞
加如有捏報加倍罰種仰司乘飭各屬一體遵行毋違

飭行保甲

保甲之法非獨弭盜一節而已即如窩賭窩娼私鑄私宰
旗逃邪教以及借穀散賑等事無不藉此稽查最為善政
編設之要全在門牌開寫清楚如男婦大小若干現種地
畝若干應納錢糧若干並作何生理詳悉註明如有增除
即不時改註其循環簿內亦即畫一註明則一目了然
於查察屢經本都院檄飭今聞地方官奉行不力尚有未
經詳註之處合再通飭一體遵照該管府州於因公下縣
之便亦須隨地抽查倘有前項情弊即行揭報慎毋輕忽
徇隱

撫豫條教卷一 飭行保甲

三

憂旱問過

豫省自入夏以來雨澤愆期本都院憂心如焚寢食靡甯
現在省身思過竭誠祈禱而甘霖未沛自維涼德不足感
格神明實深惶悚竊念水旱災祲雖云氣化實關人事本
都院叨膺封疆重任忝為通省大僚一事之措置未協一
民之情志未通皆足以干天和司道諸君與我同寅協
恭者也所望直言規戒以匡闕失守丞牧令與我分猷贊
理者也所賴宣達民情據實陳告某弊未革則亟革之某
利未興則亟興之務期開誠布公各抒所見慎毋瞻徇顧
忌退有後言凡我同官知我有素諒不以予言為文飾之

撫豫條教卷一 憂旱問過

七

具或詳或稟將傾耳以聽焉萬一久旱成災如何撫綏經
理並望悉心籌畫預為酌議以資採擇

飭議入蜡典禮

入蜡之祭載在禮經所以祈年報賽典至重也前飭各州
縣建廟以奉明禋今夏亢旱蝗蝻疊發俱不為災麥秋大
有普慶豐登足見神明默佑傳謂順成之方其蜡乃通信
不誣已茲屆冬月正當索饗之際所有應行典禮應月祭
品及犒賞老農飲福受胙之處該司速行妥議造冊呈送
俟閱定後刊發各屬定期致祭一體舉行毋違

撫豫條教卷一 飭議入蜡典禮

七

飭發明職

身教者從言教者訟昔有明訓本都院撫豫以來竊願與同官勉為循良而躬行不力未堪表率羣僚深用自咎惟是身為長吏職司率屬難容緘默而各官遠近不等又不能時時相見面加提撕每欲刊列成書迄今未就近閱甯陵呂新吾先生明職各條先得我心而其言之痛切尤能廉頑立懦啟曠震聾爰亟授梓印裝多帙通行飭發司道府廳州縣以及佐雜等員公事之餘即取一條細加觀覽各明厥職自無曠厥官循良輩出治化可期本都院更有榮施矣

撫豫條教卷一 飭發明職

六

健餘先生撫豫條教卷一終

日能理家務

處鄉之善十

- 一日能事長上
- 二日能睦親故
- 三日能恤孤寡
- 四日能周貧乏
- 五日能受寄託
- 六日能救患難
- 七日能解鬭爭
- 八日能襄公事如本鄉河堤樹畜保甲賑濟等務
- 九日能導人為善
- 十日能規人過失

服教之善八

- 一日能行聖道
- 二日能習禮儀
- 三日能讀小學
- 四日能讀經史
- 五日能習書法
- 六日能講律令
- 七日能絕異端
- 八日能聯文社如供備飲饌紙筆之類

撫豫條教卷二 分社規勸條約 二

異法之善四

- 一日敬畏官長
- 二日能肅政教
- 三日早完租賦
- 四日恥入公門

規過各條

犯義之過六

- 一日酬博鬪訟酬謂縱酒喧競博謂賭博財物鬪謂鬪毆罵詈訟謂訟爭訟
- 二日行止踰違踰謂逾法
- 三日行不恭遜侮慢齒德恃強凌人
- 四日言不忠信
- 五日造言誣毀
- 六日營私太甚

不修之過五

- 一日交非其人不論士庶但凶惡及游惰無行者而朝夕與之游處則為交非其人若不得已

面習往還 二日游戲怠惰 三日動作無儀 四日用度不節
完整 四日臨事不恪 主事廢忘期約後 五日用度不節
者勿論

右規勸條約各州縣舉行該學生員多者以四百為
率用仁義禮智信五字於東南西北中五村每
社約練八人選端謹公直生員二人為長擇村舍
毗連居住相近者分上下社各利其半教習依式各
世規勸條約本循來環去分發各社其半教習依式各
諸生大之人各一頁善則來書詳記過則呈報直內
每季月底社長呈送學師學師於下季月十日內
傳集諸生於別倫堂升座唱名有善命之列坐左
登記優簿有過則站立堂下責令改過如能改下
勸懲時制去過跡三令不改則罰讀以俾大過則登
劣簿以備申黜其無故不到者記過每年底教習分
別核明一呈學院一呈本院庶幾優劣了然士爭奮
勵至社長混另選仍入劣簿以三年為期老病請休
者如三年內能教導諸生善多過少及有善無過
者教習同依令據實詳請以鄉飲僕介榮之如教習
撫豫條教卷二分社規勸條約 三

觀為具文不實力奉行者定行參處其府學諸生即
諫於本學一謹別家各社童子有能背誦小學孝經
及悔術謹者社長領見學師面試籍記府縣孝時
薦列前茅

再申規勸條約

勸善規過之法原於藍田呂氏鄉約前依寶靜菴先生訂
本刊布各學分社舉行學者果能寶體而躬踐之則動必
由禮而德自歸厚相勸相規之中已該相交相恤之義矣
惟是中州素稱清樸而近見士民禮教多疎任恤罔問則
草野倨侮之習未除刻薄鄙吝之私未化漸與清樸背而
馳焉是誠可憂則呂氏禮俗相交思難相恤二則亟宜酌
古通今明列各條俾諸生有所持循以遷善改過返樸還
淳本都院實有厚望焉

相交各條

撫豫條教卷二再申規勸條約 四

禮俗之節四

一日尊幼輩行 尊者謂長於己二十歲以上在父行者
○敵者謂年上下不滿十歲者○少者謂十歲以下在兄行者
十歲以下者○幼者謂十歲以下者○少者謂十歲以下者
造請拜揖 外侯者謂幼者於尊長賀節辭謝皆為禮見此
受賜不報 長者命子弟以名帖賀節辭謝皆為禮見此
謝相在禮 凡見尊長揖立於門外通名將命者延入
客禮進見 凡見尊長揖立於門外通名將命者延入
下馬見禮 凡見尊長揖立於門外通名將命者延入
主人具衣冠 凡見尊長揖立於門外通名將命者延入
禮則再拜 凡見尊長揖立於門外通名將命者延入
則趨進揖 凡見尊長揖立於門外通名將命者延入
已過乃揖 凡見尊長揖立於門外通名將命者延入
馬道側揖 凡見尊長揖立於門外通名將命者延入
之若已乘馬 凡見尊長揖立於門外通名將命者延入
上馬尊長 凡見尊長揖立於門外通名將命者延入

而過彼徒行而不及避則下馬揖之過則上馬遇少者徒行不及避則下馬揖之過則上馬遇三日請召迎送凡請尊長飲食既來則明日主親謝勞有親親謝酒○凡燕集皆鄉人則坐以齒非士類則否有親則別飲有異爵者為上客如婚禮則姻家為上客皆不以齒為序○燕集別設桌子於兩楹間置杯蓋於其上主人執杯以獻上客辭主人親送坐位卓子上西向一揖上客取酒醉主人東向一揖主人乃獻眾賓如儀○凡有遠出遠歸者則迎送之拜揖如禮有飲食則就飲食之尊長獻者歸迎勞畢從其家見之少者以下歸至其家省之四曰慶弔贈遺凡因事則弔之每家只家長一人與同約者俱往若家長有故或與所慶弔者不相接則其次者當之○凡慶禮如常儀有贈物或其禮闕其初喪則率同約者便服而往巾之且助其凡百經營之事主人既成服則相率素冠素衣且助其食而往奠之及葬又相率致期俟發引則素服而送之及

相恤各條

患難之事七

一曰水火小則遺人甚則二曰盜賊守望相助有驚則三曰疾病有疾問之病則為訪醫四曰死喪始則哭之有喪則奠之備人則助其營葬貧乏則五曰孤寡其遺無依者若能自贖則為之區處或擇人收之貧弱者協力共濟或關於官司無令失所若有侵欺之者眾人力為之辨理若稍長而放逸不六曰誣枉被人誣檢亦防察約束之無令陷於不義七曰貧乏有安貧守分而生計大不能自伸者有方略七曰貧乏不足者眾以財濟之或可以救解則為耕正

撫豫條教卷二 再申規勸條約 五

卒哭及小祥及大祥皆常服弔之○凡弔喪送葬喪家只備蔬食不可具酒肉以待弔客○凡聞所知之喪或遠不能往則遣使致奠就外

為之假貸置產以歲月償之

右禮俗相交患難相恤二則社長與諸生以時講明有能違者即書於善簿以獎勵之

撫豫條教卷二 再申規勸條約 六

嚴飭州縣分社

分社之舉所以端士習廣教化法至善也蓋士為鄉里表率荷讀書明理之人尙不能遷善改過恪遵禮法凡厥庶民無怪其放僻邪侈陷於刑戮而不知矣有牧民之責者正宜勸學興賢以昭訓俗型方之治今本都院訪得上蔡縣並未實行立社之法及詢之該處紳士雖近在城中身列義學者亦茫然不知分社為何事乃知從前該縣詳覆之文竟屬捏飾夫立社考察功過或按季或按月俱係地方官自行酌量因地制宜並非繁苦難行之事無論教官職司秉鐸是其專責卽有繁劇之州縣亦非朝朝審事日日比糧則一歲之中何難破數日工夫面與士子講論勸規以洗其俗吏之心而盡其化導之實乃並此不為尙得謂之留心吏治者乎該司卽將上蔡縣捏飾緣由確查詳奪併嚴飭各州縣查照本都院屢次檄飭實力奉行毋得虛應故事責成該管府州加意稽查尙或有名無實卽將該地方官及儒學併該管府州詳揭毋違

撫豫條教卷二 嚴飭州縣分社 七

確查州縣分社

分社規勸一事非惟振興教化凡農田水利樹畜保甲一切令行禁止等務俱有提綱挈領潛移默化之權但此中妙用惟循吏知之若淺浮庸陋之牧令平時品量既不足以服人辦此一事又無一段誠心一番切語乍與諸生接見誠如南汝道所謂乾燥枯蹇意味索然者何能相強該府州可確查所屬州縣孰為行之已著成效孰為奉行尙屬龜勉孰為督促無益不如緩行逐一分別開摺呈報以憑核奪

撫豫條教卷二 確查州縣分社 八

通行分社事宜

乾隆三年十月初九日據藩司呈稱分社之法重在致品
 立行先道德而後文藝祥符張令恐諸生有規避不到之
 弊於議詳八條內請於社期不拘四書五經詩論發題二
 道聽其自試一藝其或不願賦詩作文者隨意默寫聖賢
 格言數段或臨諸家法帖數行或講究算法數則或射箭
 數回註明彙呈原欲以文會友而非專重乎文也乃州縣
 尚有不加體察專以出題親試及扁門考校多分等第詳
 稟者夫社中生監眾多無故不到則犯規條而有記過之
 慮到則必須考試在餽學者固所樂從但其中有不放自
 撫豫條教卷二 通行分社事宜 九

信難以見長者未免畏懼不前是立法稽查欲以杜其規
 避而責望太過適以阻其嚮往殊非分社規勸之本意似
 應再行通飭凡社期命題除能文而喜於作文者聽之其
 政有攜帶小學一部赴社中於嘉言善行篇內擇一二條
 或三四條互相講貫者此尤為可嘉之士其樸茂無文及
 初學後進無可獻長者一體到社從旁聽講蓋周旋揖讓
 皆可學習威儀正輪格言亦足增廣識見如此誘掖獎勵
 日就月將多士有優游之樂無畏避之弊於品行更有裨
 益等情到本都院為查以文會友雖不可廢而社期規勸
 究以德行為先今各屬多專重考試殊未妥協合再通飭

該府州縣一體遵照毋違

撫豫條教卷二 通行分社事宜 十

通飭就近講社

據鄧州知州李治國詳議舉行社期一事內稱州縣遵奉定例巡民疾苦勸課農田樹畜又每月應赴鄉鎮講約今又奉憲立社規勸此三事均屬當教實政似應於巡察之時即行講約講畢即行考察社中功過互相規勸將見一巡察而講約規勸並舉三善俱備事既不繁民又不擾於士民均有裨益又查社中諸生多有遠館他方不在本境而在鄰邑者若必令每期親至不但奔馳道途並恐荒廢職業若聽其終年不至社中又非立法化導之意應許該生報明儒學即編入就近館地之社所一體考核等情到

撫豫條教卷二

通飭就近講社

十一

飭發古文雅正

士子讀書首崇實學必知所養乃可有成中州向存重刊經史性理諸書復經本都院請刻孝經大學衍義近思錄文獻通考紀要廣布頒行現又多購十三經廿一史百餘部編發各學以資寒士誦習書籍亦略備矣惟念漢魏唐宋以來名儒輩出古作如林實為肄業所必需但操選之家任意去取純雜並登以致家弦戶誦徒擬其華而瀆其實殊非因文見道之意今購得蔡閱之先生所選古文雅正二百餘卷醇茂典則內有關於身心意知之微外以備夫齊治均平之道其批評之處單詞隻字悉中窳要誠先正之典型後學之津梁也仰司印發各府州縣於社期規勸之時傳示諸生令其鈔寫講貫仍諭各書坊速往江南多發古文雅正來豫以便士子購買毋違

撫豫條教卷二

飭發古文雅正

十三

飭發規勸帖語

分社一事本都院大費苦心酌定章程諄切告誡務在必行者誠以士子為四民之望學校乃教化所先諸生果能立品敦行視為分內則既無愧為聖賢之徒而儀型鄉里化導愚氓即可臻一道同風之治所係匪淺鮮也自立條約以來將及一載各屬蒸蒸向化者固已漸知名教之樂而勉強應從未能心知其意者恐亦不少今據署南陽守黃丞呈送勸諭諸生帖語甚為明白婉切仰該府州轉發所屬州縣細加體認實力敦行仍查明每邑分社若干各給一張備示諸生講明切究共相勉於德教之成有厚幸

撫豫條教卷二 飭發規勸帖語

三

焉

健餘先生撫豫條教卷二終

健餘先生撫豫條教卷三

受業門人張受長輯

勸崇節儉

豫省素稱醇樸俗尚儉約自應餘九餘三家給人足使者比年以來體察閭閻情形未免今昔異致亟宜加意節省以裕蓋藏庶幾有備無患其一在縉紳巨族閭閻之門閭知稼穡往往貴金玉而賤五穀婦女習於鬻珍子弟任意揮霍不知富貴無常盈滿宜戒奢侈之後立見蕭條米戶飢寒尤堪浩嘆此縉紳巨族所當首崇節儉者也其次莫如商賈挾其資本覓取蠅頭朝夕經營時權衡於子母風

撫豫條教卷三 勸崇節儉

一

波奔走等性命於鴻毛祇此銷錄所積辛苦所餘即使多方撙節猶恐虧折有時若再費用無度則目前何以營生將來何以糊口此又商賈所當力崇節儉者也若夫中等之戶不下八口上而父母下而妻子皆取給於一人而且婚嫁有費喪葬有費疾病醫藥有費歲時伏臘有費豐年尚多拮据一遇水旱不時外而借貸無從內而升斗不給資生乏策轉徙化離勢所必至夫人情平居無事飽食煖衣視為固然則日用起居漸加擴充及至一旦匱乏省約轉覺艱難追悔未免無及必須早為籌畫通盤打算每年收穫若干贏餘若干何事當用何事當省勿為迎神演戲

以靡無益之費勿好賭博酗酒以耗有用之財則今日之
所餘可以備明日之不足一年之所餘可以備他年之不
足富者固可長保貧者亦可支持時際豐登無不安居樂
業即當儉歲不至啼飢號寒此節儉二字亟為爾百姓勸
也務須屏絕浮靡以還淳古則節儉崇而衣食足衣食足
而禮義生禮義生而教化行矣勉之望之

撫豫條教卷三 勸宗節儉

二

飭發勸農里語

牧民之道不外教養兩端而勸導之法全在良有司感之
以誠要之於久而後默化漸移著有成效若朝令而暮止
作始而輟終雖有善政又何裨益即如勤耕作備旱潦廣
樹藝多畜牧均係足民要務茲當東作方興農事伊始本
郡院特製簡明里語以為勸課合發該道府州轉飭所屬
照刊斗方給發老農鄉地徧行曉諭仍於下鄉巡查講社
之時隨便詢問令其背誦記則獎之忘則懲之務使窮鄉
僻壤罔不周知婦女兒童亦能領略庶幾傳聞熟習互相
勸勉以臻家給人足之美是所望於循良之吏焉

撫豫條教卷三 飭發勸農里語

三

計發勸農語壹百張

- 要種田莫偷閒人勤糞大樂豐年
- 要吃飯防天旱鑿井開渠早打算
- 要滿收通水溝水來即去澇何愁
- 要得富多栽樹本錢不費利無數
- 要實惠養畜類雞鴨豬羊都好餵
- 要如意行善事忍耐公平真吉利

勸戒賭博

民俗之害賭博其最甚者也良賤不分長幼無別士失其品農工商賈失其業游手無賴開場誘騙一入局中莫能自拔志氣日昏家資日蕩親族鄙薄而不悔父母妻子凍餒而不顧甚至水窮山盡進退維谷行事卑汗流於匪類更或當場爭角輸後索錢忿起一時禍延人已命慘須臾者有之身幽縲紲者有之其為害不可勝言是以禁例森嚴使之愛惜身家杜患未然匪徒繩之以法實欲納之於善所以為人心風俗計者至深且切也爾等百姓幾見賭博場中有成家之子賭博銀錢有致富之理有害無利有

撫豫條教卷三 勸戒賭博

四

損無益人人共見觸刑犯罪亡身敗家比比皆然安可不重以為戒本都院撫茲兩河惟期節屋窮簷罔不厚生正德凡我小民各勤本業家庭骨肉不時勸戒親族鄉黨互相箴規祖父所遺者當思創業艱難己身所積者當念經營不易浪業生涯困苦難堪禍患頻連悔更無及務必敬聽吾言安分守法俾風俗日歸醇厚倘敢開場聚賭重治其罪鄉地徇隱併究不貸

禁止販麪

足食以積貯為先耗穀惟販麪為大以有用之物糜費無窮殊為可惜長惡崇飲貽害尤深豫省本係產麥之區每至收成西商挾其厚資在於馬頭集鎮開坊晒麪如祥符之朱仙鎮陳橋陳州府之周家口南陽之九子山新蔡之方家集上蔡之東安集內黃之楚王濬縣之道口等處皆淵藪也該管府縣嚴行查禁如有廣收麥石晒麪私販者許鄰佑鄉地首告擊獲之日照例給賞徇隱不報事發治罪并通飭各屬關津隘口一體稽查如有車載船裝驟駛背負並無照票者即行擊究至民間零星製造自用者不得概禁滋擾仍勸諭小民務期撙節愛惜以備蓋藏切勿止圖目前浪行花費此時賤糶者轉而貴糶亦失算之甚矣慎違毋違

撫豫條教卷三 禁止販麪

五

嚴禁通寡惡風

王政施仁必先恤寡

國家旌表首重守貞誠以婦人不幸遽失所天或上存衰老之翁姑或下遺襁褓之子息孰能無告孤苦伶仃無論貧乏之家有無屢勉操作備極辛勤即富厚之家內外支持憂患更虞意外夫以巾幗者流而能明乎從一而終之義以閱歷乎艱難險阻之中其心良苦其志可嘉凡在鄰里親戚自當矜憐之敬禮之保護之扶持之以成其志而全其操庶不失仁人君子之道今本都院披閱案件竟有靈寶監生劉殿升汜水生員張極天者名列膠庠行同禽獸一則強賣兄嫂一則逼嫁弟婦揆其情由皆因圖謀產業覬覦家貲私立婚書糾眾搶奪良心盡喪倫紀滅絕實為天理所不容王法所不宥現在斥革生監按律杖徒枷號兩箇月嚴懲示眾但此等通寡異事出於宮牆名教之中風化所關殊非淺鮮合行嚴禁仰司道府轉飭所屬州縣循行曉諭凡鄉黨親族內如有寡居節婦務須互相保護倘有不法親族人等謀產逼嫁許族長姻親鄉地鄰佑即行赴官密首嚴鞫究處生監有職人員速行詳革審擬毋得輕縱族長鄰佑知情容隱者事發並治以罪該州縣於講約所詳切勸諭並行儒學教官督率社長一體規勸

撫豫條教卷三 嚴禁通寡惡風

六

究察母得視為具文

撫豫條教卷三 嚴禁通寡惡風

七

嚴禁節孝陋規

節孝為風化攸關表揚實

朝廷大典定例舉報節孝以衙門經涉愈多書吏需索愈

甚行令州縣徑詳督撫學政核實具

題立法最善今本都院訪得州縣各衙門於節孝一事操

縱悉由書吏其弊無窮或冊結不合則借上司駁查之名

多方勒索即已經批准則又借題達之費索取陋規更有

故意耽延遲至歲底具詳上司趕辦不及批俟來歲彙

題又藉稱上房捺攔哄騙銀錢總由百姓身居閭閻或駁

或准會否題請無從查問不得不墮其術中每將建坊銀

撫豫條教卷三 嚴禁節孝陋規 八

兩預先許作謝儀是以給領之日盡為書吏分肥富者怠

行貧者無力求其能建牌坊者百不得一殊堪痛恨今乾

隆二年詳報節孝本都院業經繕本具

題者共一百三十六名其已經批准辦理不及存俟來年

彙

題者共十六名誠恐節孝之家未能知悉致啟書吏需索

之端合行鈔黏飭禁仰司官吏分檄各屬令該地方官傳

諭通知其建坊銀兩當堂給發不得假手胥吏扣剋短少

并勸令本家無論木石速行建立牌坊以光潛德該地方

官倘漫無覺察仍踵前弊官叅役處決不寬貸至本院衙

門書吏有借規禮名色勒索派該管經承者該州縣據實密

稟以憑究治勿得徇隱干咎再查儀封縣烈婦陳氏孟津

縣烈婦郭氏偃師縣烈女楊氏淮甯縣貞女崔氏經前院

駁查據署司援照乾隆元年順天府尹陳

題旌烈女孫氏之例具詳前來亦經本都院具

題在案合併飭知一體建坊務垂永久以慰幽魂毋違

撫豫條教卷三 嚴禁節孝陋規 九

飭禁鬧喪

生養死葬事親之常而循禮守分人子之道今聞豫省陋習凡遇喪葬之事往往聚集親朋廣招鄰族開張筵宴陳設酒肴酣飲放飯自朝及夕其富戶有力之家則鼓吹音樂演戲跑馬並裝紮人物紙作以為飾觀是以民間一有凶事則親友宗黨斂錢釀分本家因習俗相沿萬難從儉多方設法務為浮華甚至需費不貲則借貸質當亦所不顧夫臨喪以哀為本送死以葬為重而乃歡呼宴樂甚於喜慶繁文浮費過於殯埋存存人固屬非禮而人子更覺難安本都院前於規勸條約內曾經註明示禁而此風尙

撫豫條教卷三 飭禁鬧喪

十

未盡息總緣人心不能反本細思合行嚴飭禁止該州縣徧貼曉諭並於社期令社長諸生互相勸誡遇有喪葬之事務須遵循禮制屏絕虛文不得仍蹈陋習違者按律治罪各宜慎遵

飭禁停柩暴露

禮莫重於殯葬子職之常義莫大於瘞埋仁人之事故律載託故停柩在家不葬者杖八十例載地方有暴露無收屍骨務期設法料理建立義冢以妥幽魂乃民間尙有停柩在家及暴露未葬者一則富貴之家惑於陰陽風水之說此謂來龍未準彼云砂水未清東尋西購迄無一就不知公卿巨族誰不訪求吉兆而子孫半係衰零士庶齊民豈能盡卜牛眠而後來反多顯達諺云陰地不如心地好此言最為有味次則士民中等之家欲求厚葬則力有不能欲從簡略則未能免俗往往延換觀望以待時日不知

撫豫條教卷三 飭禁停柩暴露

十一

發跡難以預期貧富自當隨分不封不樹足見古樸遺風一土一邱猶勝雨淋日曬古云喪具稱家有無此言何可不遵又有一等鰥寡孤獨窮民不知姓名乞匄偶然路過病死地方報官相驗之後招訪屍親往往經年累月無人認領甲地人等又不敢擅自掩埋聽其暴露有此數者是以前有人停之柩地多浮厝之棺甚至狐藏兔穴吠食狼殘觸目傷心殊堪憫惻該州縣勸諭百姓如有停柩在家浮厝在地者實令死者之子孫隨分殯葬務期入土一切糜費虛文概行禁止至於無收屍棺地方官設法建立義冢隨即掩埋其路死貧人察其生前果係乞匄並非遠來

行旅亦責令保甲人等一體掩埋毋任暴露是在守土之官多方勸導實力奉行毋違

撫豫條教卷三

飭禁停柩暴露

十二

致祭水源

時屆季夏雨水稀少百穀鮮潤澤之資兆民有曠乾之慮本都院日事虔禱雖屢蒙降澤而甘霖尙未普徧苦思焦心寢食俱廢謹按春秋繁露雩祭而請雨先雩鄭康成云陽氣盛而常旱山川百源能興雲雨必先祭其本又禮書曰或祈山林川澤查桐邑乃淮河之源濟邑乃濟水之源輝縣乃衛水之源嵩縣乃汝水之源舊有廟祀春秋祭享由來已久值此天時亢陽霽雨孔亟是宜恪遵典禮敬謹祭告以祈霖雨大沛惠此兩河本都院敬製祭文一道虔奉祭帛一端并備祭銀一封特委該縣代祭仰即潔治牲醴齋戒行禮務須肅神肅慮必敬必誠昭格神明慎毋泄視

撫豫條教卷三

致祭水源

三

預防水患

中州地土平衍蓄洩無具晴則易旱雨則易潦歷來如此故講求水利為豫省第一要務今天氣恆陽彌月不雨陰陽消長之理無往不復久旱之後每患水潦若不預為防範必致臨時周章仰道府州轉飭所屬將境內舊有河渠隄堰及一切傍山臨河處所親歷查看相度情形或開渠以導之或築隄以障之渠之淤淺者立即疏濬深通隄之卑薄者立即增培高厚務使來源之水有所宣洩下游之水有所容歸先事綢繆方為盡善且興舉工程俾貧民力作餬口尤於地方有益倘苟且偷安不速料理及至雨水既多護過於天而不咎人事之不力則為庸關之員溺職亦甚矣戒之慎之

撫豫條教卷三 預防水患

十四

健餘先生撫豫條教卷四

受業門人張受長輯

水災罪已恤民

祥符等縣連朝大雨房屋倒塌田禾被掩實為異常災禍此皆本都院奉職無狀上干天和所致夙夜悚惶寢食俱廢念我小民上淋下溼坐臥水中棲身無所餬口無資與言及此不禁心碎淚下矣查乾隆二年定例如遇水災驟至果係房屋倒塌無力修整並房屋雖存實係飢寒切身者均酌量賑恤安頓等語該司速飭被水各屬確查實在乏食窮民度日維艱者即動常平倉穀按其戶口大小先賑一箇月口糧大口三斗小口一斗五升其房屋倒塌之戶動支存公項下極貧一兩次貧五錢傷損人口者加倍隨查隨給該地方官身膺父母子民之責務期加意撫恤俾災黎均霑實惠倘不悉心料理以致流離失所定以玩視民瘼嚴叅各宜慎遵

撫豫條教卷四 水災罪已恤民

一

飭學賑給貧生

案查乾隆二年定例被災各屬凡貢監生員實係赤貧之
食者令報明該教官確查造冊轉送地方官按其家口酌
加撫恤等因今被水地方見有生監委係赤貧而房屋倒
塌棲身無所餽口無資者深為憫惻合亟飭知該司速行
教官確查貧生造冊移送有司其棲身無所者給銀一兩
餽口無資者并動常平倉穀按其戶口多寡先給一箇月
口糧事竣一體報銷

撫豫條教卷四 飭學賑給貧生

二

檄委各道查賑

祥符等處日前暴雨驟降晝夜不息兼之賈魯雙洎沙渚
洪衝等河水勢甚盛隄岸漫溢念我小民弗獲甯宇本都
院時刻懸懸如同身受亟思躬履親查詢民疾苦但省會
重地職守攸關不便擅離合行委代該道即便輕騎減從
前往所屬府州被水地方察視情形安慰撫諭宣布
皇仁查督賑務其應納錢糧即飭概行停徵俟勘明成災
之後照分數蠲免酒出地畝查有缺乏工本者速諭有司
酌借籽粒上緊播種以俟秋成此外應行事宜該道隨便
酌行務期實力撫綏毋使一夫失所望切望速

撫豫條教卷四 檄委各道查賑

三

飛飭廣給麥種

今歲秋收失望全賴明春二麥接濟時屆白露正當播種之候誠恐無力貧民籽粒維艱因循坐誤所係匪輕仰司飛飭被水各屬立即親赴四鄉逐加察看責令鄉保老農徧諭播種其有缺少籽種者即將縣倉原徵麥石借給如無麥石則支縣庫銀兩給發糴買或貸以倉穀令其通融易用務期乘時早種無誤此係民食攸關萬難刻緩該地方官須殫心竭力速行妥辦不得虛應塞責以致田畝荒蕪仍將種麥分數報查本都院於此規收令之賢否焉

撫豫條教卷四 飛飭廣給麥種

四

通飭多種蔓菁

據新鄭縣知縣陳中稟稱蔓菁一物乃係民間打油菜子四時皆有春食苗夏食心秋食莖冬食根六月種者根大而葉粗八月種者莖美而根小七月種者根葉俱良今正值其時已多張告示再加傳牌率同鄉地人等督令多種等語本都院為查荒歉之年苟有可以充腹之物自應預籌蔓菁一物即古所稱藟菜是也武侯行兵所止必令軍士種植取其易長而利溥隨時隨地皆可佈種堪備艱食之需合行通飭被水州縣各因土性所宜酌量辦理動支公項多購菜子種分發貧戶勸諭鄉民廣為佈種切勿

撫豫條教卷四 通飭多種蔓菁

五

忽視

飭催興工代賑

被水州縣勘報之後自加賑恤但自冬徂春為日正長必須興修工程俾貧民得以力作餬口庶可接濟查從前已經估報之城垣本聲明於水旱不齊之年興舉應即遵照原估速行領帑開工其現在被淹之城垣以及應修隄岸應濬河渠並文廟壇壝考棚驛號墩臺營房等項或全被沖塌或傾圮過甚地方官實在無力捐修者應作速確佑由司委員勘明核實分案議詳以憑本都院題咨興修此係寓賑於工非往年可比不得藉口估計需時貽誤民食一面確查年力精壯素無恆產之貧民造具清冊應用此

撫豫條教卷四 飭催興工代賑

六

又於恤貧之中行弭盜之法良有司其加意焉

飭令隨地安民

豫省向有無業窮民傭工覓食行蹤莫定凡遇歉歲投奔他鄉若不論其願歸與否一概資送亦非撫恤之道現行布政司委員在大路要隘處所稽查勸諭勿致流移他省合再通飭府州各屬確查境內流民情願回籍領賑者照例資送如或資生有望不願回籍者即行隨地安插俾得甯居設立牌甲一體稽查并動常平倉穀大口日給穀一升小口折半以資寒冬餬口至來年二月春融耕作之日止事竣報銷該地方官務須實心料理撫綏安集倘視為具文任聽流民往來全不安頓者一經察出定行嚴叅仍將資送流民留養若干給穀若干十日一次摺報毋違

撫豫條教卷四 飭令隨地安民

七

諭建棚舍傲居

此番被水塌房居多有力之戶自能及時修葺至實在窮黎糊口尙艱萬難料理而入秋以來天氣漸涼依棲寺院住宿城郊露冷風淒實堪憫惻本都院現同司道各官公捐俸銀於省城搭蓋棚舍念及外府州縣亦多被水同係災民棲身無所惻隱之心人孰無之該地方官身為民牧亟應籌畫各就城關鎮市擇其高曠藏風之地搭蓋席棚或築草舍先儘鰥寡孤獨次及真實貧民查造册籍俾令居住仍於十家之內設一牌長稽查以防火燭盜賊等事務必悉心經理不得坐視干咎

撫豫條教卷四 諭建棚舍傲居

八

勸諭周恤災民

本都院自維涼德感召災胥夙夜靡甯勤思補過業飭被水各屬銀穀兼施一面飛章上疏請旨加賑

皇恩浩蕩災民自免乏食之虞惟是房屋倒塌甚多雖給葺費而地土未乾磚坯莫購實難修葺一遇陰雨則存身無地再四圖維亟無善策竊念各屬生監自分社規勸以來睦鄰任恤之誼聞之熟矣善行義舉正在此時如有所餘空房無論一椽半舍俱可招致災民住居免致露處轉徙他鄉仁人君子諒必欣然樂從也該縣即同教官轉飭

撫豫條教卷四 勸諭周恤災民

九

社長有能招住十人者記大善一次二十人者記大善二次三十人者記大善三次五十人以上者給匾獎勵即不及十人者亦記善一次其有素封之家嘉義而不在社學者亦照此數獎勵至若誼教桑梓憂患與同或將有餘糧食減價平糶或就眼見貧民徑行周急或購木料葺席搭蓋棚舍更有益於災黎地方官按其所用銀米多寡核實具詳小則從優旌獎大則題請議敘該縣於講社時并傳諭知之

飭備棉衣恤貧

省城烟戶稠密今歲被災花布等物無不昂貴冬日窮黎衣不蔽體殊堪憫惻前據不被水州縣報有助施銀兩儘可製備棉衣該司即發祥符縣星速製備棉衣做完百件陸續呈驗一面密查蠲寡孤獨老病殘疾窮民開造花名清册核實給發仍將棉衣背縫之上俱印義施二大字號記以備查考

撫豫條教卷四 飭備棉衣恤貧

十一

通飭收養棄兒

豫省設有育嬰堂從未報有收養遺孩者可見中州風俗之厚惟是遭茲水災恐有窮民兒女本多眾口嗷嗷難以兼顧或覓食他方不便攜帶因而委棄者深為可憫該司通飭各屬徧行曉諭無論本地外來貧民如有三歲以下小兒不能養活情甘拋棄者即送育嬰堂收養該地方官勸支堂內公銀雇覓乳母給以工食加意撫恤俟來年秋熟時本生父母願領回家者聽從其便該收令均有父母斯民之責堂內又有公銀應用不費之惠諒必欣然辦理仍將收養小兒若干按月册報母達

撫豫條教卷四 通飭收養棄兒

十二

飭借倉穀畜牛

宰殺耕牛例有明禁但恐水災之後愚民無知止圖目前之食用遂忘力田之本計輕售屠尸濫行宰烹迨至來春耕作倍覺艱難地畝荒蕪半由於此昔林僉事荒政叢言深用為戒良有以也該司通飭各屬一體嚴禁如有私宰耕牛者立即嚴拏照例治罪毋得寬縱其無力畜牛者即行借給倉穀令其飼養以資耕作俟麥熟時照例免息還倉可也

撫豫條教卷四 飭借倉穀畜牛

五

刊發賑恤事宜

被水之後賑恤多端題咨議詳轉行稽延恐有司不諳未能悉舉刊發簡明事宜十六條以便遵循

- 一 倒屋貧民分別給資
- 一 一乏食窮黎先賑一月
- 一 緩徵以紓民力
- 一 減糶以平市價
- 一 貸倉粟以濟有無
- 一 給籽種以資播植
- 一 撥穀麥以備需
- 一 留漕米以加賑
- 一 興工代賑以資食壯
- 一 隨地安插以撫流移
- 一 種蔓菁以佐艱食
- 一 施菜餅以療時症
- 一 建棚舍以廣民居
- 一 勸義舉以助賑恤
- 一 免米稅以招商買
- 一 委社生以勸賑務

撫豫條教卷四 刊發賑恤事宜

五

通飭便宜行事

救荒之道原無善策而濟眾之方貴有權宜豫省罹茲水災本都院日夜焦思竭力補救立賑法十六條苟可為災民計者無不詳酌施行矣惟是被災之輕重不同地方之情形各異本都院僅挈其大綱而分任經理者全賴司道諸君以及各郡賢守同心共濟至收令為親民之官人情土俗尤所熟悉因地隨時須有變通惟在實惠及人不妨便宜行事即事關錢糧礙難專擅亦可先發後稟本都院自行擔當無慮賠累諸君子俱有父母斯民之責目擊災黎顛連危困生平利濟莫大於此勿以空言具詳勿以後

撫豫條教卷四 通飭便宜行事 十四

言貽誤如果撫綏合宜民生得所定當破格薦揚以風有位若或悠忽畏縮坐失機宜亦干嚴譴勉之慎之

諭令社生監賑

本都院撫豫以來未能以德化民而先以禮待士分社規勸劇費苦心無非欲諸生以豪傑自待不以庸碌自安也遭茲水患念我小民顛連重困夙夜焦勞多方拯救諸生諒亦共見共聞矣惟是賑恤一事經理頗難鄉地吏胥因緣舞弊移名更姓冒領口糧而樂獨無告真正貧黎反不得普活實惠或僻處孤莊未及查造或之錢使費故意刪除或欺其鄉愚不登冊籍或知其孤寡暗領分肥種種弊端難以枚舉惟身居是鄉持公好義者知之最明而行之無弊再四思維不得不藉諸生之協力也現檄藩司轉飭

撫豫條教卷四 諭令社生監賑 十五

州縣查賑下鄉即同該村社生核對烟戶冊相符然後給票如有遺濫立行稟明增減將來赴廠監賑一體給以飯食察有情弊即行舉首果能秉公協理著有勤勞定從優獎本都院明知諸生閉戶潛修不干外事但明體達用原無一理濟人利物皆屬分內昔范文正公為秀才時便以天下為己任則今日之居鄉救災卹患贊勸公務者即異日之登

朝理繁治劇大展才猷者也諸生勉旃

健餘先生撫豫條教卷四終

此苦直然終身難坐矣維宜不于其時而後已

有謂斯時果難緣合且且其野利宜宜對時觀變以思宜

蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四 蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四

蘇州府志卷四